

403358 kat. komp.

III 1832/1833

# INDEX LECTIONUM

IN

UNIVERSITATE STUDIORUM JAGELLONICA

A DIE 1. OCTOBRIS ANNO MDCCCXXXII.

AD MEDIUM MENSEM JULII ANNO MDCCCXXXIII.  
INSTITUENDARUM.



1832/  
33

---

CRACOVIAE

TYPIS UNIVERSITATIS.



749563




403358

III

1832/1833

Biblioteka Jagiellońska



1002470124

Biblioteka Jagiellońska  
1978 G KE 579/105

Civibus Literarum Studiosis

S. P.

**R E C T O R**

**ALOISIUS ESTREICHER**

PHIL. ET MED. DOCT.

---

In quorum Philosophorum Graecorum schola nomen suum professus fuerit Q. Horatius Flaccus Romanorum Lyricorum princeps, olim sedulo quaesitum est. At optime ipse respondisse videtur ad Maecenatem Epistolarum L. II. ep. 2. v. 10. et seqq.:

*Quid rerum atque decens curo et rogo et omnis in hoc sum:*

*Condo et compono, quae mox depromere possum.*

*Ac ne forte roges, quo me duce, quo lare tuter:*

*Nullius addictus jurare in verba magistri,*

*Quo me cunque rapit tempestas, deferor hospes.*

Nec igitur Stoicus ad morosi Catonis exemplum fuit, nec Academicus Ciceronem disertissimum oratorem secutus, nec tandem Epicuraeus ad instar Maecenatis laudati amici, cui Sabinum suum modicum praediolum debebat, et quem praesidium et dulce decus suum grato animo dictitabat. Eclecticum Philosophum lubentissime cum fuisse dixerim, si haec schola tum jam Romae floruisset. Sed in omnibus scholis hospes, qui ea studiose seligeret, quae sibi placuerint, nullius in verba magistri jurare solitus sane practicus erat Philosophus, nam cum et semper honestissi-

(a\*)



me vixisse constat et sibi res, non se rebus subungere conatum fuisse certum est. Quam ob rem neminem offendant necesse est verba non Horatii, sed monitoris. Ib. v. 54. seqq.:

*Vilius argentum est auro, virtutibus aurum.*

*O cives, cives, quaerenda primum pecunia,*

*Virtus post nummos.*

Stoicum autem severissimum placare debent, ea quae Vates Libro II. od. 2. v. 8. cecinit:

*Latius regnes avidum domando spiritum*

*Quam si Libyam remotis*

*Gadibus jungas et uterque Poenus*

*Serviat uni.*

Si quis autem Stoicus scholae suae nimius aestimator aut nimis rigidus aliorum, non sui animi censor ulterius irasci aude-  
ret, ut Odarum libr. II. 2. Libr. III. 3. versus sublimem Stoicae  
scholae sensum exprimentes perlegat, necesse est, ut omnem iram  
deponat. Nunquam risit Horatius vera praecepta et placita Stoi-  
corum, sed non raro nimiam de aliorum moribus censuram ta-  
xavit. Sic quoque Ep. I. 1. in fine:

*Ad summam sapiens uno minor est Jove, dives,*

*Liber, honoratus, pulcher, rex denique regum*

*Praecipue sanus, nisi cum pituita molesta est.*

Quod salse addidit Vates v. 106. in extremo carmine. Haec  
autem nemo Stoicorum in disputata scholae de summo bono, de  
vera sapientia, de vera felicitate dicta esse putabit, ut inde ob  
contentam scholae suae auctoritatem commoveatur; sed haec ver-  
ba dicta fuisse videntur in eos, qui omnia sibi ipsi tribuant, sci-  
licet aut ob divitias aut ob venustatem aut ob honores aut alias  
quascunque causas, quas enumerare longum est. Morbus vel exi-  
guus mentem et corpus turbare potest. Quantam enim vim in  
sapientissimorum virorum mentes gravis corporis dolor exerceat,



valetudo tum adversa quantopere non raro corpus mortalium afficiat, neminem latet, qui unquam vehementer aegrotaverit. — Haec pauca de Philosophia practica Horatii sufficiant, Cives Academici, ut semper memineritis: virtutem omnibus antefereendam esse; ut, quae practicae philosophiae certissimum est documentum, morum honestatem et summam in litteris et disciplinis diligentiam cum assiduitate perpetua colatis, nam nemo repente doctus, sed hac una via rectum est iter ad maximos in studiis profectus.

---

## ORDO THEOLOGORUM.

*Matthaeus Kozłowski Ord. Praed. S. Theol. Dr. Hist. Eccl. P. O.  
h. t. Facult. Theol. Decanus.*

Hora matutina 10—11, quotidie, die Jovis excepto, exponet Historiam Ecclesiasticam, methodo Alberi.

*Nicolaus Janowski S. Theol. Dr. Moral. et Pastoral. et Eloquent.  
Sacrae Prof. P. O. Can. Ecclesiae Cath. Crac.*

Horis pomerid. 1—2, diebus quinis per hebdomadem, scilicet die Lunae, Martis, Mercurii, Veneris et Saturni, tradet Theologiam Moralem ad mentem Ecclesiae Romanae Catholicae. Idem praeleget etiam Pastoralem Theologiam et praecepta Eloquentiae sacrae.

*Joannes Stanislaus Przybylski S. Theol. Doct. Ecclesiar. Cathedr.  
Cracov. et Archicoll. Lancic. Canonicus, Sacrorum Dogmatum  
Prof. Ord. Publ.*

Semestri aestivo singulis per hebdomadem horis matutinis, 7—8, hyemali vero 2—3 pomeridiana, die Jovis excepto, Institutiones Dogmaticas profitebitur.



*Joannes Schindler Theol. D. Sacrae Scripturae Prof. P. O. Can.  
Eccl. Cath. Cracov.*

Horis matut. 11—12 quotidie, exceptis diebus Jovis, Archaeologiam biblicam, Hermeneuticam generalem et specialem Vet. et Novi Testamenti ac Philologiam sacram tradet.

## ORDO JURISCONSULTORUM.

*Adamus Krzyżanowski J. U. D. P. P. O. h. t. Fac. Jur. Decanus.*

Hora 9—10. diebus Lunae, Mercurii et Saturni, diebus autem Martis, Jovis et Veneris 8½—10. Historiam Juris Antiqui Polonici, deinde Codicem Civilem in Regno Poloniae vigentem, ratione Codicis Civilis Austriaci et Legum Antiquarum Polonicarum habita, tum Codicem mercantilem, qui in Regno Poloniae obtinet, cum applicatione legum, quae apud gentes vicinas in usu sunt, explicabit.

*Felix Słotwiński J. U. et Phil. Dr. Juris Nat. et Ecclesiastici  
Prof. P. O.*

Hora pom. 3—4. quotidie, excepto die Sabbathi, jus naturae universum, privatum, civitatis et gentium, nec non Methodologiam et Encyclopaediam Juris docebit. Idem hora matutina. 8—9. diebus Martis, Jovis et Sabbathi, jus Ecclesiasticum tradet.

*Antonius Matakiewicz J. U. D. Ord. S. Stanislai IV. Classis Eques  
Prof. P. O.*

Horis matutinis ab 8—9, quotidie, exceptis diebus festis, semestri hyemali Codicem Judicarium Civilem in Regno Poloniae vigen-



tem explicabit, et quae e Civili Austriaco judiciario et legibus antiquis Polonicis huc pertinent, simul exponet. Semestri aestivo Jus Criminale, juxta textum Codicis Criminalis Austriaci, cum applicatione Codicis Criminalis Polonici tradet.

*Petrus Bartynowski J. U. D. Prof. P. O. Reip. Crac. Senator.*

Horis matut. 8—9, diebus Lunae, Mercurii et Veneris, Historiam Juris Romani et Institutiones enarrabit, horis vero mat. 9—10. quotidie Pandectas explicabit, ordine a Warnkönigio in Comment. juris Rom. priv. Leodii a. 1825—1829. impressis, observato.

*Ferdinandus Koisiewicz J. U. Dr. Prof. P. O.*

Hora matut. 9—10, diebus Lunae, Martis, Mercurii et Jovis, I. Oeconomiam politicam, II. Doctrinam administrandae reipublicae generalem, III. Constitutiones Regni Poloniae et Liberae Civitatis Cracoviensis explicabit. Horis vero mat. 8—9, diebus Lunae, Mercurii et Veneris, jam autem hora mat. 9—10, die Saturni, I. Rem aerariam, II. Politiam, III. Statisticam tradet.

*Johannes Hieronymus Rzesiński Phil. et J. U. D.*

Diebus Lunae, Mercurii et Veneris h. pom. 5—6. Doctrinam de Successionibus interpretabitur.

*Antonius Sigismundus Hoelcel J. U. D.*

Diebus Martis, Jovis et Saturni hor. pom. 5—6. Historiam Juris antiqui Polonici tradet.

## ORDO MEDICORUM.

*Josephus Kozłowski Med. D. Anatomiae et Physiologiae P. P. O. h. t.*

*Fac. Medicae Vice-Decanus.*

I. Semestri hiemali tradet Anatomiam theoreticam idiomate Polonico diebus Lunae, Martis, Mercurii et Jovis h. mat. 9—10.



- Practerea per duas horas continuas pro opportunitate semel singulis hebdomadibus tempore vespertino Anatomiam practicam.
- II. Semestri autem aestivo docebit idiomate Polonico Physiologiam medicinalem diebus Lunae, Martis, Mercurii, et Veneris h. mat. 9—10. tum diebus Lunae et Mercurii h. 4—5 pomeridie.
- III. Idem tradet idiomate Polonico Medicinam forensem h. pom. 2—3. per utrumque anni cursum singulis diebus Veneris.

*Josephus Brodowicz M. D. Pathologiae, Therapiae et Clinices P. P. O.*

Horis matut. 9—10, quotidie, diebus Saturni et festis exceptis, Pathologiam et Therapiam specialem lingua latina tradet. Clinicam autem praxin ab hora 8—9, matutino tempore per annum totum docebit, latine studiosos Medicinae et Chirur. sublimioris, polonice discipulos Chirur. inferioris.

*Florianus Sawiczewski M. D. Pharmaciae P. P. O.*

Diebus Lunae, Martis, Mercurii, Jovis et Veneris ab hora 8 matutina ad 9 e propriis schedis Pharmaciae docebit, qua finita, aquarum mineralium naturam et indolem explicabit.

*Julianus Sawiczewski Med. Dr. Politiae Medicinalis, Histor. Medicinae, tum artis Veterin. P. O. P.*

Horis pom. 5— $\frac{1}{2}$ 8. diebus Lunae et Mercurii Politiam Medicinae e propriis scriptis lingua Polonica tradet. Deinde diebus Veneris hor. mat. 11 $\frac{1}{2}$ —1. ad praelegendum de Historia medicinae pariter e propriis schedis secundum ordinem variarum theoriarum et systematum cum necessaria recensione accedet idque latino idiomate.

Artem Veterinariam vero mox secundum Veith et Pilgerum, mox secundum Bojanum aliosque auctores diebus Martis hor. mat. 11 $\frac{1}{2}$ —1 Jovis autem h. 5—6 $\frac{1}{2}$ . pom. explicabit.



*Ludovicus Bierkowski Ph. M. et Chir. D. Chirurgiae Sublim. et Artis obstetriciae Prof. P. Ord.*

Clinicam chirurgicam et obstetriciam in Instituto clinico h. pom. 2—3 quotidie moderari perget. I. Chirurgiam specialem et ophtalmiatricam diebus Lunae, Martis et Veneris h. pom. 3—4 explicabit. II. Aciurgiam sive cursum operationum chirurgicarum duce libro suo *Anatomische Chirurgische Abbildungen nebst Beschreibung der chirurgischen Operationen Berlin 1827.* diebus Lunae et Jovis hor. mat. 11—12 docebit, atque demonstrationes exercitationesque aciurgicas frequenter moderabitur. III. Hiemali semestri Doctrinam de cognoscendis et curandis morbis syphiliticis die Saturni h. mat. 11—12 tradet; IV. aestivo semestri Desmurgiam et Mechanurgiam seu fascias et machinas imponendi artem dieb. Saturni hor. mat. 11—12 exponet. V. Artem obstetriciam practicam cum exercitationibus phantomi dieb. Saturni h. pom. 3—4. tradet.

*Carolus Theodorus Soczynski M. et Chir. D. Institutionum medico-chirurgicarum, artis obstetriciae, theoreticae morborum feminarum infantumque P. P. O. Reip. Crac. Senator.*

Diebus Lunae et Mercurii Institutiones curandi feminarum infantumque morbos, Martis vero Jovis et Veneris artem obstetriciam hor. pom. 4—5½ idiomate Polonico docebit.

*Josephus Jakubowski Med. et Chir. D. Pathologiae generalis et Therapiae generalis ac Materiae Medicae P. P. O.*

Horis matutin. 10—11½ diebus Lunae, Martis, Mercurii Jovis et Veneris lingua Latina Pathologiam generalem, Materiam medicam et Therapiam generalem tradet.

(b)



# ORDO PHILOSOPHORUM.

## I. FACULTATIS MATHEMATICAE ET PHYSICAE.

*Romanus Markiewicz Phil. D. Physices Prof. P. O. h. t. Facultatis Mathem. et Physic. Decanus.*

Horis matut. 8 $\frac{1}{2}$ —10 quater de hebdomade, die vero Martis et Veneris 9—10 physicam experimentalem ac theoreticam tradet, opus clarissimi Desprez, quod inscribitur: *Traité élémentaire de Physique* secuturus.

*Aloisius Estreicher Phil. et Med. D. Historiae Nat. P. P. O. Universitatis Jagellonicae Rector.*

Hor. mat. 10—11. quotidie exponet Zoologiam per semestre hyemale, ducibus Latreille, Cuvier, Ocken, Illiger, Lamark et aliis, qui hac de re tractarunt.

Hora matut. 6—8. Botanicen tradet per semestre aestivum. Hora pom. 2—3. diebus Martis et Jovis tradet doctrinam de generis humani varietate nativa, per semestre hyemale.

Hor. pom. 6—8. exercitationes botanicas instituet et ad Botanicae practicae usum manu ducet, atque Dendrologiae rudimenta per semestre aestivum tradet.

*Carolus Hube Phil. D. Matheseos sublimioris P. P. O.*

Hora mat. 8—9. quotidie, exceptis diebus Saturni, tradet Analysis finitorum, Calculum analytico-trigonometricum, Trigonometriam sphaericam et Geometriam Analyticam, praecipue theoriam superficierum secundi gradus.

Hora mat. 9—10. diebus Lunae, Mercurii et Veneris calculum differentialem et integralem docebit, applicationemque ejus ad Geometriam sublimiorem ostendet.



1851. 1852.

*Franciscus de Paula Sapalski Phil. D. Geometriae Descriptivae P. P. O.*

Horis 12—1½ Geometriam descriptivam tradet theoreticam, deinde accomodatam perspectivae umbrarum, artibus fabrilibus et Gnomonicae, diebus Lunae, Mercurii et Jovis.

Hor. 4—5. pom. diebus Veneris et Saturni Mechanicam et Hydraulicam per semestre aestivum.

Hora 11—12. mat. diebus Solis, opificibus et artificibus tradet Architecturam et Mechanicam practicam.

*Franciscus Szopowicz Phil. D. Mathes. Infer. P. O. P.*

Horis Mat. 10—11½ diebus Lunae, Martis, 10—11, diebus Mercurii, Jovis, Veneris et Saturni Mathesim inferiorem duce Lacroix docebit.

*Maximilianus Weisse Phil. D. Astronomiae P. P. O.*

Hor. mat. a 9—10. Astronomiam Theoreticam, horis pom. a 3—4. Astronomiam practicam diebus Martis et Jovis propriis schedis praeleget.

*Felix Radwański Architecturae Prof. P. O.*

Horis pom. 2—4½ quotidie profitebitur Architecturae disciplinas. Scilicet cursu in biennalem diviso, diebus Lunae, Mercurii et Saturni tironibus praelectiones populari methodo ad practicum usum ex universa Architecturae scientia accomodatas, diebus autem Martis, Jovis et Veneris hor. pomerid. 3—4. sublimioris Architecturae partes tradet.

*Florianus Sawiczewski M. D. Pharmaciae P. P. O.*

Horis pom. 2—3. quotidie, exceptis festis, Chemiam docebit.

*Ludovicus Zeischner Phil. D. P. P. Extraord.*

Hor. pom. 3—4. diebus Martis, Jovis et Veneris Mineralogiam tradet



*Theophilus Zebrawski Phil. Dr.*

Docebit Geodaesiam et Topographiam diebus Mercurii, Jovis et Veneris, hor. pom. 2—3.

## II. FACULTATIS LITERARIAE.

*Cajetanus Trojański Phil. D. Literaturae Latinae Prof. P. Ord.  
h. t. Facultatis Phil. Literariae Decanus.*

Profitebitur sexies per hebdomadem hor. mat. 11—12<sup>1</sup>. et die quidem Lunae explicabit Ciceronis in Verrem Actionem primam, die Martis Horatii librum Epodon, diebus Mercurii et Veneris historiam liter. Roman. enarrabit, reliquis antiquitates Romanorum tradet ratione et via a Creuzero monstrata.

*Georgius Samuel Bandtkie Phil. D. Bibliographiae P. P. O. et  
Bibliothecarius.*

Hor. pom. 1<sup>1</sup>/<sub>2</sub>—3. die Mercurii, Veneris et Saturni, Bibliographiam profitebitur. Collegium styli cultioris duce Beckio (Artis latine scribendi praecepta Lipsiae 1802.) et disputatoria philologica et historica cum selectis juvenibus instituet diebus Martis, Jovis et Veneris hora pom. 2—4<sup>1</sup>/<sub>2</sub>.

*Paulus Czaykowski, Phil. D. Literaturae Polonicae et comparativae  
P. P. O.*

Hor. mat. 10—11. traditis praeceptis Eloquentiae et Poëseos, per Classicorum Auctorum exempla illustratis, Auditores ad exercitia Linguae Patriae in utroque orationis genere ducet.

*Hermannus Schugt, Phil. D. Linguae et Lit. Graecae P. P. O.*

Hor. mat. 11—12. quotidie carmina Pindari explicabit.



*Josephus Jankowski J. U. et Phil. D. P. P. O.*

Hor. mat. 8—9 docebit Philosophiam theoret. et practicam diebus Martis, Mercurii, Jovis et Veneris, exercitationes vero paedagogicas instituet die Lunae hora mat. 8—9. Die Saturni hor. pom. 1—2. Historiam Philosophiae e propriis schedis tradet.

*Michael Wiszniewski Prof. Hist. P. O.*

Hor. pom. 2—3. quotidie exceptis festis Historiam Universalem antiquiorem et recentiore docebit. —

Lectorium in Bibliotheca publica Univ. Cracov. patebit hor. pom. 2—4. diebus Lunae, Martis et Jovis. Hospitibus vero extraneis, qui Bibliothecam, Musea, speculam Astronomicam, et Hortos Botánicos invisere cupiunt, nulla hora praefinita est, dummodo tempus Praelectionibus sacrum Bibliothecario et Praefectis Museum Mineralogici, Zoologici et Hort. Botan. condonare velint; quovis tempore de commoda hora certiores facti, curiosi hospitibus nunquam deerunt. Museum Physicum patebit curiosis, qui adesse dignabuntur, hora 10. matutina, finita praelectione.

Linguam Anglicam tradet Hermannus Schugt 12—1. Germanicam Augustus Otremba hor. pom. 2—3. Franciscus Aubertin Linguam Gallicam docebit quater per septimanam diebus Lunae, Mercurii, Veneris et Saturni a 4—5. Linguam Rossicam docebit quater per hebdomadem hor. mat. 9—10. Hieronymus Mecherzyński.

Artem saltandi Petrus Couder quater per hebdomadem hor. pom. 6—7. diebus vero Martis et Mercurii 3—4. Fran. Boznański artem equitandi hor. pom. 4—5.

(c)



## SCHOLA PICTORIA

### ET SCULPTORIA.

*Josephus Brodowski Pictoriae artis Prof. P. O.*

Tradet artem pictoriam hor. mat. 11—12. quotidie, exceptis festis.

*Adalbertus Cornel. Sztattler Pictoriae artis Prof. P. O.*

Artem pictoriam hor. matut. 10—12. docebit quotidie, exceptis diebus festis.

*Joannes Nepomucenus Bizański Anatomiae et Perspectivae Prof.  
Publ. Extraord.*

Hor. matut. 11—12. diebus Jovis, Veneris et Saturni Anatomiam et Perspectivam tradet.

